



Broj: A-548/21

Bihać, 18.08. 2021. godine

FA/SZ

Na osnovu člana 64.stav 1. tačka b), člana 70., član 72. stav 3. tačka b) i člana 89. Zakona o javnim nabavkama BiH („Službeni glasnik BiH“, broj: 39/14), glavna kantonalna tužiteljica *donosi:*

O D L U K U

o izboru drugorangiranog najpovoljnijeg ponuđača

Član 1.

Ugovorni organ u skladu sa odredbom člana 72. stav 3. tačka b) Zakona o javnim nabavkama BiH, a u vezi sa Zapisnikom o ocjeni ponuda nakon održane e-aukcije broj: A-548/21 od dana 02.08.2021. godine, dodjeljuje Ugovor o nabavci roba – motornog goriva – dizel za službena vozila Kantonalnog tužilaštva USK Bihać, drugorangiranom ponuđaču **ENERGOPETROL d.d. Sarajevo** ponuda broj: A-548/21 br.2 od dana 21.07.2021. godine, za ponuđenu cijenu prema tenderskoj specifikaciji roba u skladu sa ponuđenom cijenom nakon održane e-aukcije u iznosu od **16.782,00 KM bez PDV-a**.

Član 2.

Ugovorni organ je Zaključkom broj: A-548/21 od dana 16.08.2021. godine *odbacio ponudu ponuđača PETROL-P d.o.o Bihać* za nabavku roba - – motornog goriva – dizel za službena vozila Kantonalnog tužilaštva USK Bihać, broj ponude A-548/21 od dana 21.07.2021. godine jer je isti propustio u roku od 10 dana naznačenom u Odluci o izboru najpovoljnijeg ponuđača od 02.08.2021. godine (*član 2.*), dostaviti dokaze o ispunjavanju traženih uslova pod tačkom – 4. – PODACI O PONUDI iz tačke 4.3. – Način određivanja cijene ponude TD u posupku po konkurentskom zahtjevu za dostavljanje ponuda.

Član 3.

U skladu sa odredbom člana 72. stav 3. tačka b) ponuda ponuđača **ENERGOPETROL d.d. Sarajevo** je ponuda po rang – listi odmah nakon ponude najuspješnijeg ponuđača, a u skladu sa Zapisnikom o ocjeni ponuda nakon održane e-aukcije u predmetu javne nabavke roba od 02.08.2021. godine kojim je utvrđena konačna rang-lista ponuđača koji su učestvovali u e-aukciji.

Odabrani ponuđač dužan je u roku od 10 (deset) dana po prijemu ove Odluke dostaviti dokaze o ispunjavanju uslova traženih pod tačkom 3. – USLOVI ZA KVALIFIKACIJU KANDIDATA PONUDAČA pod tačkom 3.1. člana 45. ZJN i tačkom 4. – PODACI O PONUDI pod tačkom 4.3. – Način određivanja cijene ponude TD.

Član 4.

Prijedlog ugovora o nabavci dostavit će se na potpis izabranom ponuđaču **ENERGOPETROL d.d. Sarajevo**, po protoku roka od 10 dana, računajući od dana dostavljanja obavještenja.

Član 5.

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama BiH.

O b r a z l o ž e n j e

Postupak javne nabavke roba – motornog goriva – dizel za službena vozila Kantonalnog tužilaštva USK Bihać, pokrenut je Odlukom o pokretanju javne nabavke broj: A-547/21 od 02.07.2021. godine.

Ugovorni organ je predvidio zaključenje Ugovora na jednu godinu sa ponuđačem koji dostavi najnižu cijenu tehnički zadovoljavajuće ponude, a prema specifikaciji roba iz tenderske dokumentacije.

Javna nabavka je provedena putem konkurentskog zahtjeva za dostavljanje ponuda. Procijenjena vrijednost javne nabavke je 20.000,00 bez PDV-a.

Obavještenje o nabavci broj: 1092-7-1-9-3-2/21 dostavljeno je na objavu dana 07.07.2021. godine.

Radi provođenja postupka javne nabavke imenovana je Komisija rješenjem glavne kantonalne tužiteljice broj: A-548/21 od 02.07.2021. godine. Ugovorni organ je putem Komisije proveo postupak prikupljanja ponuda, kao i ostale aktivnosti vezano za nabavku a u skladu sa odredbama Zakona o javnim nabavkama BiH.

Shodno odredbi člana 64. Zakona o javnim nabavkama BiH kriterij za dodjelu ugovora po konkurentskom zahtjevu je najniža cijena tehnički zadovoljavajuće ponude.

Nakon isteka roka za dostavljanje ponuda evidentirano je da su u roku pristigle tri ponude i to:

1. A – 458/21 br.1 PETROL-P d.o.o Bihać dana 21.07.2021. godine
2. A–4058/21 br.2 ENERGOPETROL d.d Sarajevo dana 21.07.2021. godine

Komisija za javnu nabavku je blagovremeno i pravilno izvršila otvaranje i ocjenu prispjelih ponuda, te utvrdila da su ponude gore navedenih ponuđača formalno uredne odnosno sadrže svu traženu tendersku dokumentaciju, a nakon čega je ista zakazala e-aukciju za dan 02.08.2028. godine u 12:00 h.

Predviđeno vrijeme trajanja e-aukcije je bilo 10 minuta. Nakon završetka e-aukcije po Izvještaju o toku i završetku e-aukcije , broj postupka 1092-7-1-9/21 od 02.08.2021. godine u 12:28 sati, utvrđeno da je bilo podnošenja ponuda i to od strane sva tri ponuđača.

Komisija je potom utvrdila konačnu rang listu ponuđača koji su učestvovali u postupku javne nabavke u e-aukciji kako slijedi:

R. br.	Naziv ponuđača	IDB/JIB	Konačna cijena u KM bez PDV-a	Umanjenje cijene	Rang
1.	D.o.o PETROL-P Bihać	4263426780009	16.750,00	6,94%**	1
2.	ENERGOPETROL d.d. Sarajevo	4200163020002	16.782,00	9,29%**	2

** Označava približnu vrijednost procentualnog umanjenja nakon zaokruživanja na dvije decimale

Predmet javne nabavke iz člana 1. planiran je u Planu nabavki broj: A - 312/21 od 19.04.2021. godine - ROBE - redni broj 7. gorivo - **JRJN 09134200 - 9.**

Predmeta javna nabavka će biti finansirana iz budžetskih sredstava Kantonalnog tužilaštva USK Bihać za 2021. godinu, a izdaci za nabavku će se evidentirati na ekonomskom kodu 613500 - nabavka goriva.

Odlukom o izboru najpovoljnijeg ponuđača broj: A-548/21 od 02.08.2021. godine prihvaćena je preporuka Komisije za javnu nabavku izražena u Zapisniku o ocjeni ponuda nakon održane e-aukcije broj A-548/21 od 02.08.2021. godine i Ugovor o nabavci roba – motornog goriva – dizel za službena vozila Kantonalnog tužilaštva USK Bihać, je dodjeljen ponuđaču **PETROL-P d.o.o Bihać**, a za ponuđenu cijenu prema tenderskoj specifikaciji roba u skladu sa ponuđenom cijenom nakon održane e-aukcije u iznosu od **16.750,00 KM bez PDV-a.**

Aktom broj: A-548/21 od 02.08.2021. godine ponuđaču **PETROL-P d.o.o Bihać**, kao i ostalim ponuđačima koji su učestvovali u postupku javne nabavke dostavljen je Zapisnik o ocjeni ponuda od dana 02.08.2021. godine, a nakon održane e-aukcije, te Odluka o izboru najpovoljnijeg ponuđača od 02.08.2021. godine. Izabrani ponuđač je istim aktom obaviješten da je dužan u roku od 10 dana dostaviti dokaze o ispunjavanju uslova traženih tenderskom dokumentacijom u postupku po konkurentskom zahtjevu za dostavljanje ponuda, kao i da je dužan dostaviti novi obrazac za cijenu ponude koji će odražavati smanjenu cijenu iz e-aukcije – 4. – PODACI O PONUDI iz tačke 4.3. – Način određivanja cijene ponude TD, u roku naznačenom u Odluci – odredba člana 2. (Ponuđač **PETROL-P d.o.o Bihać** akt broj: A-548/21 od 02.08.2021. godine zaprimio je dana 03.08.2021. godine).

Izabrani ponuđač u ostavljenom roku tačnije dana 05.08.2021. godine (dostava dokumenata po Odluci broj: A-548/21 od 02.08.2021. godine, putem protokla, lično), dostavio je ugovornom organu dokaze o ispunjavanju uslova traženih tenderskom dokumentacijom – 3. – USLOVI ZA KVALIFIKACIJU KANDIDATA PONUĐAČA pod tačkom 3.1. i člana 45. ZJN sljedeće dokaze:

- Popratni akt PETROL-P d.o.o Bihać – dostava dokaza o ispunjavanju uslova iz člana 45. a u vezi sa javnom nabavkom MOTORNOG GORIVA
- Ovjerena kopija Uvjerenja suda BiH broj: Su: 03-4512/21 od 15.06.2021. godine – ov.br. 07/104-01/2-10305 od 03.08.2021. godine Grad Bihać
- Ovjerena kopija Uvjerenja Porezne uprave Federacije BiH, Kantonalni porezni ured Bihać broj: 13-1/1-12-5-1400-1/2021 šh od 21.06.2021. godine – ov.br. 07/104-01/2-10305 od 03.08.2021. godine Grad Bihać
- Ovjerena kopija Uvjerenja Uprave za indirektno-neizravno oporezivanje, Regionalni centar Banja Luka broj: 02/6-1-16-11-24-6648/21 od 16.06.2021. godine – ov.br. 07/104-01/2-10305 od 03.08.2021. godine Grad Bihać
- Ovjerena kopija Uvjerenja Općinskog suda Bihać broj: 017-0-Su-21-000691 od 21.06.2021. godine – ov.br. 07/104-01/2-10306 od 03.08.2021. godine Grad Bihać

- Ovjerena kopija Uvjerenja Općinskog suda Bihać broj: 017-0-R1-21-330 od 18.06.2021. godine – ov.br. 07/104-01/2-10306 od 03.08.2021. godine Grad Bihać

Izabrani ponuđač *nije dostavio novi obrazac za cijenu ponude koji će odražavati smanjenu cijenu iz e-aukcije*, a koji je tražen tenderskom dokumentacijom – tačka 4. – PODACI O PONUDI pod tačkom 4.3. TD, te Odlukom o izboru najpovoljnije ponuđača broj: A-548/21 od dana 02.08.2021. godine – odredba člana 2.

Kako je odredbom člana 68. stav (4) tačka i) Zakona o javnim nabavkama BiH propisano da: „*ugovorni organ dužan je odbaciti zahtjev za učešće ili ponudu u slučaju kad ponuda nije potpuna i ne ispunjava zahtjeve iz tenderske dokumentacije*“, to je valjalo odbaciti ponudu izabranog ponuđača.

Istovremeno odredbom člana 72. stav 3. tačka b) propisano je da: „*ugovorni organ dostavlja prijedlog ugovora onom ponuđaču čija je ponuda po rang-listi odmah nakon ponude najuspješnijeg ponuđača, u slučaju da najuspješniji ponuđač propusti dostaviti dokumentaciju koja je bila uslov za potpisivanje ugovora, a koju je bio dužan pribaviti u skladu s propisima u Bosni i Hercegovini*“.

U skladu sa citiranim zakonskim odredbama ovaj Ugovorni organ će dostaviti prijedlog ugovora ponuđaču čija je ponuda po rang – listi odmah nakon ponude najuspješnijeg ponuđača i to **ENERGOPETROL d.d. Sarajevo**, a u skladu sa Zapisnikom o ocjeni ponuda nakon održane e-aukcije u predmetu javne nabavke roba od 02.08.2021. godine kojim je utvrđena konačna rang-lista ponuđača koji su učestvovali u e-aukciji.

POUKA O PRAVNOM LIJEKU:

Protiv ove Odluke može se izjaviti žalba najkasnije u roku od 5 (pet) dana od dana prijema ove odluke, a u skladu sa čl. 99. i čl. 101.

Zakona o javnim nabavkama BiH.

Dostaviti:

1. Ponuđačima
2. A/A

